

सर्व प्रकारं जगतो हिताय

अन्तिम अग्नि संस्कार क्रिया (दीपय् यायेगु क्रिया)

नेपाल परम्परागत बौद्धधर्म संघ

२०६२

सर्व प्रकारं जगतो हिताय

अन्तिम अग्नि संस्कार क्रिया (दीपय् यायेगु क्रिया)

निर्देशक

श्रद्धेय पूज्य गुरुवर डा. नरेशमान वज्राचार्य

सम्पादक

श्री राजभाइ वज्राचार्य
श्री चक्रराज वज्राचार्य
श्री माणिकरत्न शाक्य 'मणीश'

प्रकाशक

नेपाल परम्परागत बौद्धधर्म संघ
नःबही, यल ।

दाता

संखरत्न वज्राचार्य
महापा., यल ।

प्रकाशक :

नेपाल परम्परागत बौद्ध धर्म संघ

नःबही, यल ।

फोन नं. ५५५३१२९

पिथनागु दिं :

बु.सं. २५४९

ने.सं. ११२५

बि.सं. २०६२

ई.सं. २००५

लसता : गुंलाया लसताय्

© नेपाल परम्परागत बौद्ध धर्म संघ

मुद्रक . सुभाष प्रिन्टिङ्ग प्रेस, नःबही, यल

फोन : ५५३३१६१

पिकाकःया थःगु खँ

नेवाः बौद्ध समाजय सिङ्धुका याङ्गु अन्नेष्ट्रि क्रिया थःथःगु हे ढंगं यानावयाच्चंगु दु । अप्व धैथे थ्व क्रियापाखे अर्नाभज खनेदु । थ्व हे खयात वाःचायेका यल हःखाया छथ्व जिजासु सिङ्गुथि पुचल पूज्य गुरुवर डा. नरेशमान वज्राचार्यजुयात थ्व क्रियाया वारे कर्नाविज्यायेत अनुग्रेथ याना विज्याःगु जुल । इमिगु अनुरोधयात स्वीकार यासे वसपोल गुरु न थौया वर्तमान अवस्थाय सहि ढंगं थुगु क्रियाया वारे बौद्ध समुदाय दुने फैले यायेफत धाःसा लिपा जुया वङ्गु विकृतिपाखे वचे याये फड थ्रेगु खयात महशुस यासे शिष्यपिं राजभाइ वज्राचार्य, चक्रराज वज्राचार्य व माणिकरत्न शाक्य “मणीश” पित्त निर्देशन वियाः तत्सम्बन्धी सफूत अध्ययन याकाः थुगु चिकिचाधंगु निर्देशिका दयेका विज्यात ।

पूज्य गुरुवर डा. नरेशमान वज्राचार्यजुया निर्देशनय तयार जूगु थुगु निर्देशिकायात सफूया रूपय प्रकाशन यायेफत धाःसा अन्नेष्ट्रि क्रियाय बौद्ध जनसमुदाय दखी दयावयाच्चंगु थी थी कथया शका उपशंका याउँक हे निवारण यायेफड धैगु मतिइ तयाः नेपाल परम्परागत बौद्ध धर्म संघपाखे थुगु सफू प्रकाशन यानागु जुल । थुगु सफू प्रकाशनया निति आर्थिक ग्वहालि याना विज्याःम्ह नेपाल परम्परागत बौद्धधर्म संघया दुजः नापं लोकेश्वर पूजाया कजि भाजु शखरत्न वज्राचार्यजुयात नं यक्व यक्व सुभाय वियाच्चना । वसपोल थुगु सफू वसपोलया दिवगत पिता इन्द्ररत्न वज्राचार्य व माता नानीमाया वज्राचार्यया नाम प्रकाशन याःगु जुल । अन्तय थुगु सफू प्रकाशनपाखे संसारय च्वपि सकल प्राणीपिनि उद्धार जुइमा धका कामना यानाच्चना । अस्तु

नेपाल परम्परागत बौद्ध धर्म संघ

नःबही, यल, फोन न्याः ५५५३१२९

दाताया नुगः खँ

नेपाः दे वुद्धधर्म व वौद्ध संस्कृति वालाक चलेजुया वयाच्वंगु थाय्
खः । थन थाय् थासय् वहावही, वुद्ध व बोधिसत्त्वपिंगु मूर्ति स्थापना यानातःगु
दु । थन स्थापना यानातःगु वहावही, वुद्ध व बोधिसत्त्वपिंगु पूजा वनेगु
चलन न्हापां निसैं न्ह्यानावयाच्वंगु खनेदु । अथेहे थनया वौद्धजनपिन्म
नं वुद्धधर्मयात अनुसरण यानाः धर्मानुकुल जीवन न्ह्याकावयाच्वंगु दु ।

नेपाल परम्परागत वौद्धधर्म संघपाखें नं वुद्ध व बोधिसत्त्वपिंगु
महिमायात लुमंकाः, थनया वौद्धजनपिन्त बोधिचर्या अभ्यास याकेगु
नापं युवावर्गपिन्त वुद्धधर्मप्रति उन्मुख यायेगु तातुनाः थाय् थासय् वनाः
लोकेश्वर पूजा, पाठ व ध्यानया ज्याभ्व न्ह्याकावयाच्वंगु जुल । थंगु
ज्याभ्व श्रद्धेय गुरुवर डा. नरेशमान वज्राचार्यजुया धर्माधिकारन्वय
न्ह्यानावयाच्वंगु खः । लोकेश्वर पूजा वनेगु भवलय यल हःखास्थित
लोकेश्वरया थाय् पूजा याःवंगु जुल । अन वसपोल गुरु लोकेश्वरया
आदर्श नापं नेवाः वौद्ध समाजय् दुध्यानाच्वंगु संस्कारत मध्ये छगु
महत्त्वपूर्णगु संस्कार दीवंगत जुइधुंका दीपे याइगु अन्तिम अग्नि संस्कार
क्रियाया वारे सप्रमाण व्याख्या यानाविज्यात । वसपोल कनाः विज्याःगु ख
थौकन्हेया परिस्थितिइ तःसकं महत्त्वपूर्ण जूगु जित महसुस जुल छाय्थाःसा
थौकन्हेया वौद्ध समाजय् वौद्ध धर्मानुयायीपिं अप्वसिन सिइधुंका दीपय्
याइगु क्रियायात परम्पराया रुपय् जक यानावयाच्वंगु खनेदु । थकिया
कारण थुइका यानावयाच्वंगु खनेमदु उकिं थौकन्हेया थंगु परिस्थितिइ
वसपोल कनाविज्याःगु महत्त्वपूर्ण खयात प्रवचनय् जक सिमित मयाये
सफूया रुपय् छापे याना पिकायेमाःगु जित अनुभूति जुल । थकियात

सफूया रूप विडफत धाःसा अन्तिम अग्नि संस्कारया तथ्यवांगे मसिया च्वंपिं यक्वसित थुकिया वारं सिडकेगु अवसर प्राप्ति जूडु अथंहे विधिवत रूपं अग्नि संस्कार याये मसयाच्यपिन्त न मार्गदर्शन जूडुगु ज्वनया रूपय जूवनी धैगु मतिड तयाः जि थः पिता इन्द्ररत्न वज्राचार्य व माना नानीमाया वज्राचार्यया नामं थुगु प्रवचनयान सफूया रूपय पिकायेगु इच्छा प्वंकागु जुल । थ्व जिगु मनसाय् पूवकेया निति आवश्यक निर्देशन विया ग्वहाली याना विज्याःम्ह गुरुवर डा. नरेशमान वज्राचार्यजु प्राति यक्व कृतज्ञ जुयाच्वना । अथेहे गुरुया निर्देशन अनुरूप सम्पादन याना ग्वहाली यानाविज्याःपिं भाजु माणिकरत्न शाक्य“मणीश”, भाजु राजभाड वज्राचार्य व भाजु चकराज वज्राचार्यपिन्त नं यक्व सुभाय देछाया च्वना । थुगु सफू प्रकाशन यानागु पाखें संसारय् च्वपिं सर्वसत्त्व प्राणीपिनिगु उद्धार जुडुमा धका कामना यानाच्वना । भवतु सर्व मंगलम् ।

शंखरत्न वज्राचार्य

महापा., यल ।

घलः पौ

क.सं.	विषय	पौ ल्याः
	पिकाकःया थःगु खं	
	दाताया नुगः खं	
१.	परिचय	१
२.	दीपय् यायेगु क्रियाविधि	२
३.	दीपय् यायेगु क्रियाया औचित्य	५
३.१.	मृत शरीरय् पौगां फायेकेगु	५
३.२.	सिइवाजं थाकाः सिथं यंकेगु	६
३.३.	मृतकया शिर उत्तर दिशाय लाकाः सिपय् तयेगु	७
३.४.	म्हय्था व ख्वयावःपिन्सं लःत्वंकेगु	७
३.५.	मिं तइम्हसिनं सिइम्हयात न्हयखतं व अःखतं चाहुलेगु	८
३.६.	मिं तइम्हसिनं लःत्वंकेगु	१२
३.७.	मृतकया शरीरय् मिं तयेगु	१३
३.८.	दुर्गति परिशोधन धारणी ब्वनेगु	१४
३.९.	प्रेत मूर्ति दयेकेगु	१६
३.१०.	मृतक शरीरयात चतुर्महाभूतय् विलीन यायेगु	१८
३.११.	अस्थिधातु तयाः फिया चैत्य दयेकेगु	१८
४.	निष्कर्ष	२२
५.	सन्दर्भ ग्रन्थ	२३
६.	परिशिष्ट	२४

१. अन्तिम अग्नि संस्कार परिचय

बुद्ध जन्मभूमि नेपाः देशय प्राचीनकालनिसं बुद्धधर्म वालाक प्रचार प्रसार जुयावयाच्वंगु दु । नेपाः देशय नं विशेष याना स्वनिगः दुने चर्चापि बौद्धजनतयसं श्री स्वयम्भू धर्मधातु वागीश्वरयात मूल आधार माने यानाः, थी थी कथं विहार चैत्य, धर्मधातु मण्डल आदि स्थापना यानाः, बुद्धधर्म व बौद्ध संस्कृतियात न्ह्याका वयाच्वंगु दु । थुकथं बौद्ध संस्कृतियात न्ह्याका वनेगु भूवलय थनया बौद्धजनपिन्सं जीवनया हरेक कर्मकाण्ड बुद्धधर्म अनुरूप यानावयाच्वंगु दु । गुकिंयाना थनया बौद्धजनपिनिगु जीवन प्राचीनकाल निसं बुद्धधर्मया लिधंसाय न्ह्यानावयाच्वंगु जुल ।

नेपालमण्डलया बौद्धजनपिन्सं बुद्धधर्मयात थःगु हे जीवनय साक्षात्कार यायेगु भावनां दयेकथकूगु कर्मकाण्डप्रति थौकन्हेया युवावर्गपिंगु उलि यक्व मन क्वसाःगु खनेमदु । थथे जूगुया मूकारण गुलिमिन थुकिया आधारयात मसियासा गुलिसिनं थुकिया महत्त्वयात मसिया खः । गुकिंयाना अप्व धैथें कर्मकाण्डत परम्पराया रुपय जक न्ह्यानावयाच्वंगु खनेदु । थुकथं परम्पराया रुपय जक न्ह्यानावयाच्वंगु कर्मकाण्डत मध्यय सिद्धुका याइगु कर्मकाण्ड अथांत मृत्यु उपरान्त दीपय याइगु क्रिया छगू नं खः । अथेजुगुलि थ्व दीपय याइगु संस्कारया महत्त्वयात वाः चायेकाः श्रद्धेय गुरु डा नरेशमान वज्राचार्यजुया निर्देशनय यलय याइगु अग्नि संस्कार क्रियाया लिधंसाय "अन्तिम अग्नि संस्कार क्रिया" यात विश्लेषणयासे सप्रमाण प्रस्तुत यायेगु कुत यानागु जुल ।

२. दीपय् यायेगु क्रियाविधि

१. दीप वा घाटय् ध्यनेवं सिंपं जवं स्वचा चाहुलाः सीम्हया शिर उत्तर दिशा लाकाः कूटा सिंपय् दिके ।
२. कूटा लिकाये ।
३. म्हय्पा (क्वबिया वःपिं) तय्सं सीम्हयात लःत्वंके ।
४. छ्वया वःपिन्सं थकालीकथं सीम्हयात लःत्वंके ।
५. अन्तय् मिं तद्दम्हसिनं सीम्हयात जवं स्वचा खवं स्वचा चाहुला लःस्वकः त्वंके ।

वाक्य -

यावन्त सर्वसत्त्वाः सत्त्व संग्रहेण संगृहीता
अण्डजा वा जरायुजा वा संस्वेदजा वा
उपपादुका वा रूपिणो वा अरूपिणो वा
संज्ञिनो वा असंज्ञिनो वा नैव संज्ञिनो ना संज्ञिनो वा
यावन् कश्चित्सत्त्व धातुः प्रज्ञप्यमानः प्रज्ञप्यते ते
च मया सर्वेऽनुपदिशेषे निर्वाणधातौ परिनिर्वापयितव्याः ॥
ओ पद्ये पद्ये महापद्ये पद्यगर्भे दिवंगत (अमुक) नाम ध्येयस्य
सुखावत्यां लोकधातावनुगच्छन्तु स्वधा ॥

६. मिंप्वालय् नस्वा, कपू श्रीखण्ड आदि नस्वावःगु वस्तुत तयाः
मिंतद्महसिनं स्वचाः चाहुला सीम्हया छर्यनय् मिं तयेके ।

७. सनां वःपिं दक्वसिनं दुर्गति परिशोधन धारणी ब्वनाच्चने ।

वाक्य -

ओं नम सर्वदुर्गति परिशोधनराजाय तथागतायार्हते सम्यक्
संबुद्धाय ॥ तद्यथा ॥ ओं शोधने शोधने सर्वपापविशोधने
शुद्धे विशुद्धे (दिवंगत अमुक नाम ध्येयस्य) सर्वकर्मावरणविशुद्धे
स्वाहा ॥

८. सनांवपिं तीर्थय् ख्वाःसिलाः लिहांवये ।

९. गुथियारतय्सं सी उनावयवं छैं जःपिन्त खवर बिये ।

१०. भष्म (नौ) लखं स्यानाः, मनू ज्यानाः, हथं मिखा, कौ म्हुतु, कपा
क्वैं, ल्हाः क्वैं, तुति क्वैं यथा स्थाने तयाः प्रेतमूर्तिदयेका उकी कुशा
लप्ते पुजाभः तया मिं तःम्हसिनं पूजा याये ।

प्रेतमूर्ति पूजा यायेगु वाक्य -

ओं सर्ववित् वज्रगन्धे स्वधा । (सिंह तिके)

ओं सर्ववित् वज्रपुष्पे स्वधा । (स्वां छाये)

ओं सर्ववित् वज्रधूपे स्वधा । (धुं क्यने)

ओं सर्ववित् वज्रदीपे स्वधा । (मत क्यने)

ओं सर्ववित् वज्रनैवद्ये स्वधा । (नैवद्य छाये)

११. पूजा यायेषुंका प्रेतमूर्ति तीर्थय् चुइका छवये वा प्रेतमूर्ति तीर्थया
लखं चुइका छवये ।

१२. अस्मिष्ठातु (नौ) तयाः फिया चैत्य दयेका तिं कथि स्वपु चिनाः
तुयुगु छत्रं चैत्यय् कुयेका पूजा याये ।

वाक्य -

ओं वज्रगन्धे स्वाहा । (सिंह तिके)

ओं वज्रपुष्पे स्वाहा । (स्वां छाये)

ओं वज्रघूमे स्वाहा । (धुं क्यने)

ओं वज्रदीपे स्वाहा । (मत क्यने)

ओं वज्रनैवद्य स्वाहा । (नैवद्य छाये)

१३. पुंइ तयाः पुइ हायेके, सा दुरुं लुनाः थल भ्वःपुइकाः छैय् लिहां
वये ।

१४. छैय् बलिं पियाः दुकाये ।

॥ पुलि दीपय् यायेगु कियाविधि जुल ॥

३. दीपय् यायेगु क्रियाया औचित्य

नेवा वौद्ध समाजय न्हयानावयाच्चगु थी थी कर्मकाण्डन मथ्य मृत्यु जुइधुंका दीपय् याइगु अग्नि संस्कार क्रिया छगु न खः । थौकन्हे थुगु क्रिया परम्पराया रूपय् जक न्हयानावयाच्चगु खनेदु । थन थुगु क्रियाया औचित्ययात वाःचायेका मृत्यु परान्त मृतकयात पौगां फायेकेगु निम्ने कयाः आस्थधान् तथाः फिया चैत्य दयेकेगु विषययात तक्क कयाः सप्रमाण विश्लेषण यायेगु कुतः यानागु जुल ।

३.१ मृत शरीरय् पौगां फायेकेगु

नेवाः वौद्ध समाजय दुने च्वम्ह सुनं व्यक्तिया जव मृत्यु जुइ वया थःथितिपिन्त मृत्यु जूगु खवर कंके छवइ । थः स्थान्यापिं व्यक्तीपिन्म पौगा ज्वना वयाः पौगां फायेक वइ । गुलिसिनं छेंय वयाः, गुलिसिन दीपय् वयाः पौगां फायेकः वइ । थथे पौगां फायेकवःगु धैगु मृत्यु जुम्ह व्यक्तियात सम्मान स्वरूप गां फायेकवःगु खः ।

थौकन्हे पौगां फायेक वइवले पौगाया प्रतीक स्वरूप चीपुगु कपाचय कापतं भुनातःगु छकू टुक्रा कापतं जक फायेकः वइ तर बुद्धकालय भगवान् बुद्धयात पौगाया रूपय् कपाय् सहितगु तःतःपूगु गा हे फायेकगु जुयाच्वन । वौद्ध ग्रन्थ दीघनिकाय सफुतिइ उल्लेख जुयाच्चगु कथ भगवान् बुद्ध महापरिनिर्वाण जुयाविज्यायेधुंका वसपोलया शरीर दर्शन याःवःपि कुसीनागया मल्लपिन्म आयुष्मान् आनन्दयाके बुद्धया शरीरयात गुकथ सम्मान यायेमाः धकाः न्यवले आयुष्मान् आनन्द धयाविज्यात - “वाशिष्ठपिं । चक्रवर्ती गजाया शरीरयात थें न्हापां न्हूगु वस्त्रं (अहनेन वत्थेन) हिनेमाः अनलिपा पवित्रगु

कपाय तथाः न्हूगु वस्त्रं हिनेमाः थुकथं न्यासःपु कपाय व वस्त्रं हिनां...
च्याकेमाः” कुसीनाराया मल्लपिन्स आयुष्मान आनन्दं धयाविज्याःथे हे
बुद्धया शरीरयात न्यासःपु कपाय व वस्त्रं हिगु जुल । कुसीनाराया मल्लपिन्स
भगवान बुद्धयात सम्मान स्वरूप याःगु थ्वहे घटनायात अनुकरण यानाः
थौतक्क नं नेवा बौद्ध समाजय मृत्यु उपरान्त पौगां फायेंकेगु परम्परा
न्ह्याना वयाच्चंगु जुइमा धकाः विश्वास यायेफु ।

३.२ सिद्धवाजं थाका सिथं यंकेंगु

सिद्धवाजं थाकाः सिथं यंकेंगु नं नेवा समाजय दया वयाच्चंगु
प्राचीन परम्परा खः । नेवाः बौद्ध समाजय सिद्धवाजं कथ काः, नाय् खिं व
छुस्या थाना सिथं यंकी ।

भगवान बुद्धया महापरिनिर्वाण जूवले नं सम्मान स्वरूप थी थी
वाजं थाकाः सिथं यंकूगु खं बौद्ध ग्रन्थय उल्लेख जुयाच्चंगु दु । भगवान
बुद्धया महापरिनिर्वाण लिपा नं वाजं थाकाः नगर चाहिका थी थी ग्या
छानाः धु धुपाय् च्याकाः न्ह्यन्हु तक्क पूजा यानाः वसपोलया शरीरयात
सिथ यंकूगु जुयाचन । थथे यंकूवल्य नगरया उत्तरद्वारं यंका उत्तरद्वारं हे
दुतहयाः नगरया मध्य भागय जुकाः हाकनं पूर्व द्वारं पितयंकाः मुकुटवन्धन
धाःगु थामय दाहसंस्कार याःगु खः । बुद्धया जीवनकालय मरणोपरान्त वाज
थाकाः नगर चाहिकाः सिथं यंकूगुया हे स्मरण कथ भूगु बौद्ध समाजय
नं बौद्ध विहारय आजु जुयाच्चपि व्यक्तिपिगु मृत्यु जुइवले सिद्ध वाजं थाका
छत्रं नं कुइका सिथं यंकेंगु परम्परा न्ह्यानावःगु खनेदु अथहे सर्व साधारण
व्यक्तिपिगु मृत्यु जुइवले नं काः वाजं थाकाः सिथं यंकेंगु परम्परा दु ।

३.३ मृतकया शिर उत्तर दिशाय लाकाः सिर्पय तयेगु

नेवाः बौद्धसमाजय जव मुन छम्ह बौद्ध व्यक्तिया मृत्यु जड वयान सिर्थं यंका दीपय थ्यंका स्वका हिङ्काः सिर्पय तड । थथे सिर्पय तयेवन्नय गुगु दिशाय स्वका तयेगु खः ? थ्व सर्कसिगु मनय वडगु न्हयमः खः । नेपालमण्डलय दुने नं येँ, यल व ख्वपय मृतकयान सिर्पय तयेवन्नय गुखे स्वकाः तयेगु धैगु निश्चित नियम मदु । गुलिमिन पूर्व स्वका तड्मा गुलिमिन पश्चिम व उत्तर स्वकाः तड । धान्थे छु दिशा स्वकाः तयेमाःगु खः थ्व छगू अनुसन्धानया विषय खः ।

बौद्ध ग्रन्थ दीघनिकाय सफुतिइ उल्लेख जुयाच्चगु कथ भगवान बुद्ध थः परिनिर्वाण जुइत्यंगु इलय आयुष्मान आनन्दयान धयाविज्यात । “आनन्द ! यमक शालवृक्षया दथुइ जिगु नितिं उत्तर शिर लाका आसन सिंह शैय्या) दयेकि” । आयुष्मान आनन्द नं बुद्ध धयाविज्याथे उत्तर फुसलाका आसन (सिंह शैय्या) दयेकाविज्यात, लिपा बुद्ध वहे आसनय च्वनाः जव तुतिया चने खव तुति तयाः स्मृतिसम्प्रजन्य जुयाः ग्वनुलाः महापरिनिर्वाण जुयाविज्यात । भगवान बुद्ध स्वयं थःगु आदेश अनुसार आसन दयेके वियाः उत्तर फुसलाका परिनिर्वाण जुयाविज्याःगुलिं बुद्धधर्मया धम्मानुयार्यापिन्स नं थुकेयात हे अनुसरण यानाः मरणया अवस्थाय व मरणोपान्त मृतकयान सिर्पय थ्यनेवले नं उत्तर दिशाय शिरलाकाः तयेगु उपयुक्त जूगु खनेदु ।

३.४ म्हयथा व ख्वया वःपिन्सं लः त्वंकेगु

मृतकयात सिर्पय तये धुंका दक्खसिवे न्हापां क्वविया वःपि म्हयथापिन्स लः त्वंकी अनलिपा ख्वया वःपि थः जहान परिवारपिन्स छसि कथ लः त्वंकी । थथे लः त्वंकेगुया ल्यूने छखे श्रद्धाया भावना सुलाच्चगु दुसा मेखे मृत्यु जूगु परिक्षण यायेगु प्रविधि सुलाच्चगु खनेदु ।

सुनं व्यक्तिया मृत्यु जुइवले व धात्थे मदुगु खः वा मखु सिडकेगु विविध प्रकारया उपायत दु । डाक्टर जूमा एथेस्कोप, ई.सि. जि आदि विविध उपकरणत प्रयोग यानाः मुटुया धडकन स्वयाः मुटुया धडकन मदयेधुकूगु प्रमाणित यानाः, मिखा परिक्षण याना मिखाया नानीचा मसनेधुकूगु प्रमाणित यानाः मृत्यु घोषणा याइ अथेहे घाट वैद्य व मेपिं वैद्यपिन्स जूमा नाडी परिक्षण याना नाडीया चाल मदयेधुकूगु महशुश यासे मृत्यु घोषणा याइ ।

बौद्धतन्त्र कथं भींगु शरीरय खुता प्रकारया वायु दु सुनं प्राणीपि मृत्यु जुइवले वयाके दुगु प्राण वायु मदयावनी । थथे सिइम्हसिके प्राण वायु मदयेधुकीगु जुयाः सिइम्हेसित लः त्वंकीवले लः गनं हे मदयूमे सरर कुहांवनी , यदी मसिइनिगु जूसा लः क्वहां वनीमखु । उकी सिइम्हयात लःत्वंका स्वयेगु धैगु धात्थे मृत्यु जूगु खः वा मखु धका सिडके फडगु, न्ह्याम्हसिनं नं परिक्षण याना स्वये फुगु नापं परिणाम समेत धागे फैगु अःपुगु प्रविधि खनेदु ।

मृत्यु उपरान्त दीपय तयाः उना छवय न्हयः छक छेंजःपिं प्रत्येकसिन लःत्वकी । थथे लः त्वंकूगु धैगु धैगु डाक्टर, वैद्य मृत्यु घोषणा यायेधुका नं छेंजःपिं दक्खसिनं निश्चितरुपं धात्थे मृत्यु जूगु खः वा मखु धका सिडकेत यानावयाच्चंगु उपाय खनेदु ।

३.५ मिं तइम्हसिनं सिइम्हयात न्हयखतं व अःखतं चाहिलेगु

नेवाः बौद्ध समाजय दयाच्चंगु परम्परा कथं सीम्हयात लः त्वंकी वलय गुलिमिनं जवं छचाः चाहुला, गुलिसिनं जवं छचा खवं छचाः चाःहुला लःत्वंकीमा मिं तइम्हसिनं लः त्वंकीवले जवं स्वचाः खवं स्वचाः चाःहुली ।

थथे सिद्धमयात चाःहुलेगुयात अध्ययन याना स्वतथाःया थुकिड दुने बुद्धधर्मया
गहन दर्शन सुलाच्चंगु खंकेफु ।

बौद्ध धर्म कथं संसारय् प्राणीपि जन्म जुइ, तःधिक जुइ, रोगी जुइ,
बुढा जुइ, मृत्यु जुइ । थुकियात मेगु भाषां जन्म, जरा, व्याधि व मरण
धाइ । भीपिं दक्कं प्राणिपिं थ्वहे जन्म व मरणया चक्रय् चाहिलाच्चंगु दु ।
बौद्ध धर्म कथं भीपिं थुकथं जन्म व मरणया चक्रय् चाहिला च्वतले थ्व
संसारं मुक्त जुइ फैमखु । संसारय् चाहिला च्वतले धात्थेंया सुख प्राप्त याये
फैमखु । धात्थेंया सुख प्राप्त यायेगु खःसा जन्म व मरणया चक्र मुक्त
जुयावने फयेकेमाः । थुकिया लागि जन्म जुइगु (उत्पत्ति)या कारण जक
थुइकां मगाः जन्म मजुइगु (निरोध)या कारण न थुइकेमाः ।

जन्म व मरणं मुक्त जुइया नितिं जन्म, जरा, व्याधि व मरणया
कारणयागु जक ज्ञान दयां मगाकि थुकिया विपरीत कथं मरण, व्याधि, जरा व
जन्म मदौगुया कारण न थुइकेमा ।

जन्म, जरा, व्याधि व मरण जुइगु ज्ञान धैगु जवंतुलाचंगु घःचाः
स्वरूपया ज्ञान खःसा जन्म, जरा, व्याधि व मरण मजुइगुया ज्ञान धैगु खव
तुलाच्चंगु घःचा स्वरूपया ज्ञान खः । भगवान बुद्ध जन्म, जरा, व्याधि व
मरणयागु उत्पत्तिया कारण व निरोधयात जव न खव न थुइका हे बुद्धत्व प्राप्त
यानाविज्याःगु खः । थथे जीवनचक्रया उत्पत्ति व निरोधया ज्ञानयात भगवानबुद्ध
अनुलोम(जवंतुलाच्चंगु) व प्रतिलोम(खवंतुलाच्चंगु) धकाः थुइकाविज्यात ।

बौद्ध ग्रन्थ महावग्ग दुने च्वगु बोधिकथाय् उल्लेख जुयाच्चंगु

कथं भगवान् बुद्ध उरुवेला वनय नैरञ्जना खुसी सिथय न्हयन्हु तक् च्वनाविज्यात । अन वसपोल प्रतीत्यसमुत्पाद ज्ञानयान न्हयकथ न अखथ न थुइका वद्धत्व लाभ यानाविज्यात । थुगु खं महावग्ग ग्रन्थय थुकथ उल्लेख जुयाच्चगु दु ।

तेन समयेन बुद्धो भगवा उरुवेलायं विहरति नज्जा नेरञ्जराय तीरे बोधिरुक्खमूले पठमाभिसम्बुद्धो । अथ खो भगवा बोधिरुक्खमूले सत्ताहं एकपल्लहेन निसीदि विमुत्तिसुखपटिसंवेदी । अथ खो भगवा रत्तिया पठमं यामं पटिच्चसमुत्पादं अनुलोमपटिलोमं मनकासि - “अविज्जापच्चया सङ्खारा, सङ्खारपच्चया विज्जाणं, विज्जाणपच्चया नामरूपं, नामरूपपच्चया सलायतनं, सलायतनपच्चया फस्सो, फस्सपच्चया वेदना, वेदनापच्चया तण्हा, तण्हापच्चया उपादानं, उपादानपच्चया भवो, भवपच्चया जाति, जातिपच्चया जरामरणं सोकपरिदेवदुक्खदोमनस्सुपायासा सम्भवन्ति - एवमेतस्स केवलस्स दुक्खक्खन्धस्स समुदयो होति ।

अविज्जायत्वेव असेसविरागनिरोधा सङ्खारनिरोधो, सङ्खारनिरोधा विज्जाणनिरोधो, विज्जाणनिरोधा नामरूपनिरोधो, नामरूपनिरोधा सलायतननिरोधो, सलायतन निरोधा फस्सनिराधो, फस्सनिराधा वेदनानिरोधो, वेदनानिरोधा तण्हानिराधो, तण्हानिरोधा उपादाननिरोधो, उपादाननिरोधा भवनिरोधो, भवनिरोधा जातिनिरोधो, जातिनिरोधा जरामरणं सोकपरिदेवदुक्खदोमनस्सुपायासा निरुज्झन्ति - एवमेतस्स केवलस्स दुक्खक्खन्धस्स निरोधो होती ति ।

अर्थ - उगु इलय भगवान् बुद्ध उरुवेला वनय नैरञ्जना खुसि सिथय बोधिनिमाया क्वय च्वनाविज्यात अन बोधिनिमाया क्वय भगवान् वद्ध

नह्यन्तु तर्क छथाय हे जक स्वयाः विमुक्तिः मुख अनुभव यानाविज्यात अन भगवान बुद्ध चान्हेसिया न्हापांगु प्रहरं प्रतीत्यसमुत्पादयान अनुत्ताम व प्रतिलोम कथं थुइकाविज्यात - अविद्यायाकारण संस्कार उत्पन्न जुइ, संस्कारया कारणं विज्ञान उत्पन्न जुइ, विज्ञानया कारण नापरूप उत्पन्न जुइ, नापरूपया कारणं षडायतन उत्पन्न जुइ, षडायतनया कारण स्पर्श उत्पन्न जुइ, स्पर्शया कारण वेदना उत्पन्न जुइ, वेदनाया कारण तृष्णा उत्पन्न जुइ, तृष्णाया कारण उपादान उत्पन्न जुइ, उपादानया कारण भव उत्पन्न जुइ, भवया कारण जाति उत्पन्न जुइ, जातिया कारण जरामरण उत्पन्न जुइ, नापं शोक सन्ताप, दुःख, दोमन, अशान्त उत्पन्न जुइ, थुकथं दुःख स्कन्ध (दुःखया पुसा) जक उत्पन्न जुयाचवनी ।

अविद्या पूर्णरूपं निरोध (सुचुक्क मदयेकेगु) जुलकि संस्कार निरोध जुइ, संस्कार निरोध जुलकि विज्ञान निरोध जुइ, विज्ञान निरोध जुलकि नापरूप निरोध जुइ, नापरूप निरोध जुलकि षडायतन निरोध जुइ, षडायतन निरोध जुलकि स्पर्श निरोध जुइ, स्पर्श निरोध जुलकि वेदना निरोध जुइ, वेदना निरोध जुलकि तृष्णा निरोध जुइ, तृष्णा निरोध जुलकि उपादान निरोध जुइ, उपादान निरोध जुलकि भव निरोध जुइ, भव निरोध जुलकि जाति निरोध जुइ, जाति निरोध जुलकि जरामरण निरोध जुइ, नापं शोक सन्ताप, दुःख दोमन, अशान्त निरोध जुइ, थुकथं दुःखस्कन्ध दक्कं निरोध जुयावनी ।

थुकथं भगवान बुद्ध प्रतीत्यसमुत्पाद दर्शनयात न्हयखत न अखत न थुइका बुद्धत्व लाभ यानाविज्यात अथेहे मृतक न प्रतीत्यसमुत्पाद जान थुगु कथं हे थुइका निर्वाण अथवा बुद्धत्व प्राप्त याये फयेमा धैगु मनसाय न मृतकयात लः त्वंकीम्ह व्यक्ति जवं स्वचाः खवं स्वचाः चाहयूगु जुइफु ।

मृत्यु जूम्ह ब्यक्ति देव, दैत्य, मनुष्य, नरक, प्रेत व तिर्यक थापि
खुगुलि गतिइ जन्म कायेम्वालेमा धैगु अभिप्राय जव म्यचाः खव म्यचाः
चाहुलाः लः त्वका वयाच्चंगु जुइमाः धका गुरुवर प वद्रीरत्न वज्राचार्यज
थगु विचाः प्वकाविज्याःगु दु ।

३.६ मिं तइम्हसिनं लः त्वंकेगु

मिंतइम्हसिन जव व खव चाहिलेधुंका लः त्वकीवले छगु वाक्य
व्वनेगु चलन दु । थुगु वाक्यलिसे ज्वःलाःगु छगू वाक्य वज्रच्छेदिकाः
प्रज्ञापारमिता सफुतिइ थुकथ उल्लेख जुयाच्चंगु दु ।

यावन्त सर्वसत्त्वाः सत्त्व संग्रहेण संगृहीता
अण्डजा वा जरायुजा वा संस्वेदजा वा
उपपादुका वा रुपिणो वा अरुपिणो वा
संज्ञिनो वा असंज्ञिनो वा नैव संज्ञिनो ना संज्ञिनो वा
यावन् कश्चित्सत्त्व धातुः प्रज्ञप्यमानः प्रज्ञप्यते ते
च मया सर्वेऽनुपधिशेषे निर्वाणधातौ परिनिर्वापयितव्याः

अर्थ

थुगु संसारय(सत्त्वधातुइ) च्वपिं ख्येचं जन्म जूपिं, मां वौपाखे जन्म
जूपिं, चःतिं जन्म जूपिं व आफसे आफ जन्म जूपिं गुलि नं प्राणीपि दु अथेहे
रुप दुपिं वा रुप मदुपिं, नां दुपिं वा नां मदुपिं दक्ख लोकधातुइ च्वपि
प्राणीपिन्त जिं अनुपधिशेष (छुं हे शेष मदुगु) निर्वाण पद लाका विड ।

मिं तइम्हसिनं लः त्वंकीवले येय चलेजुयावयाच्चंगु चलन कथ “मया
सर्वेऽनुपधिशेषे निर्वाणधातौ परिनिर्वापयितव्याः” धायेगु सदटा “मया महामुद्रा
मन्त्रपदे प्रतिष्ठापयितव्या” धका व्वनेगु चलन दु ।

थ्व वाहेक मृतकयात लः त्वंकेवले मंगु न छगु वाक्य छनेगु चयन दः ।

ओ पद्ये पद्ये महापद्ये पद्यगर्भे दिवंगत (अमुक) नाम ध्येयस्य
सुखावत्यां लोकधातावनुगच्छन्तु स्वधा ॥

अर्थ-

दिवंगत जूम्ह व्यक्ति पलेस्वांया गर्भ समानगु सुखावती लोकधातुइ
वनेमा (वास लायेमा) ।

थन सुखावतीया अर्थ सुखया आवती अर्थान सुखया भण्डार धाःगु
खः । मेगु शब्द धायेगु खःसा न्ह्यावले न्ह्यावले सुख प्राप्त जुइगु अवस्था
धाःगु खः । थ्व धैगु निर्वाण खः । जवनक सुनं प्राणी निर्वाण पद लाय
फैमखुनि उवले तक वयात धात्थेयागु सुख प्राप्ती जुइमखु । भीम थ्व
जीवनय प्राप्त यानाच्चनागु सुख धैगु क्षणीक सुखः । थ्व परिवर्तन जुयावनी
तिनि । उकिं अनन्त तक सुख प्राप्त यायेगु खःसा निर्वाण पद हे लाये
फयेकेमाः । दिवंगत जूम्ह व्यक्तियात लः त्वंकेवले न न्ह्यावले न्ह्यावले
सुख जुयाच्चनीगु निर्वाण पद लाय फयेमा धका जवं स्वचा खव स्वचा
चाहुला लः त्वंकूगु खनेदु ।

३.७ मृतकया शरीरय् मिं तयेगु

मृत शरीरय् मिं तइवले मिप्वाः ज्वनाः स्वचाः चाहुला मृतकयात
वन्दना यासे मिं तइ । थथे मिं तइवले मिप्वालय् नस्वा, कपू, श्रीखण्ड आदि
नस्वाः वःगु वस्तुत तइ । मृतकयात वन्दना याना मिं तःगुया स्वापू न भगवान्
बुद्धयायात याःगु अग्नि संस्कार किया नाप दयाच्चगु अनुमान यायेफु ।

भगवान बुद्धया शरीरयात दाह संस्कार याःवले कुशीनाराया मल्लतयस बुद्धया शरीरयात स्वचाः चाहुला मिं तल तर मिं मच्याः, थथे जूगुलि कुशीनाराया मल्लपिन्स थुकिया कारण छु खः धका आयुष्मान अनिरुद्धयात न्यंवले वसपोल धयाविज्यात - "आयुष्मान महाकाश्यप न्यासःम्ह भिक्षुपि सहित कुसीनगर वयाच्चंगु दु । गुवलेतक्क आयुष्मान महाकाश्यप भगवानया श्रीचरणय् वन्दना याइमखुनि उवलेतक्क मिं च्याइमखु"

महाकाश्यप महास्थविर अन थ्यंका वसपोल बुद्धया शरीरयात स्वचा चाहुला वन्दना यात अथे हे न्यासःम्ह भिक्षुपिन्सनं स्वचाः चाहुला वन्दना यात । आयुष्मान महाकाश्यप व न्यासःम्ह भिक्षुपिसं वन्दना यायेधुका आफसें आफ मिं च्याना वल । थ्वहे घटनायात स्मरणयासे नेवाः बौद्ध समाजय् न मिं तइम्हसिनं स्वचा चाहुला वन्दना यासें मिं तयेगु यानावःगु जुइमाः ।

३.८ दुर्गति परिशोधन धारणी ब्वनेगु

सुनं व्यक्तिया मृत्यु जुयाः दीपय् यंकीवले नेवाः बौद्ध संस्कार कथं ल्यू ल्यू बनीपिं मनूतयसं दुर्गति परिशोधन धारणी ब्वना बनी । दुर्गति परिशोधन धारणी छाय् ब्वन, थ्व ब्वना छु जुइ, थ्व ब्वनेगु परम्पराया प्रारम्भ गुकथं जुल थ्व सिइकेवहःगु खं खः । दुर्गति परिशोधन धारणीया सम्बन्ध नं भगवान बुद्धया जीवनीलिसें स्यानाच्चंगु दु ।

भगवान बुद्धया जीवनी कथं भगवान बुद्ध न्हिने न्हिने पृथ्वीस च्यापि सत्त्व प्राणिपिन्त धर्मदेशना याना विज्याइसा चान्हय् चान्हय् देवलोकय् विज्यानाः देवपुत्रपिन्त धर्मदेशना यानाविज्याइगु जुयाच्वन । छन्हुया दिनय् देवराज इन्द्रया तसकं मिलेजूम्ह विमलमणिप्रभा देवपुत्रया मृत्यु जुल ।

देवराज इन्द्रं थः तसकं मिलेजूमह पासा मृत्यु जूगुलि मृत्यु पञ्चान वयागु जीवन गथे जुइ अर्थात् वं गन जन्म काःवनी धका मिडकेगु इच्छा जूल । अथेजूगुलिं देवराज इन्द्रं भगवान वुद्धयाके विमलमणिप्रभायागु पुनर्जन्मया वारे न्यनाविज्यात । भगवान वुद्धं थःगु दिव्यचक्षु स्वयाः विमलमणिप्रभा अकुशल कर्मया कारणं नरकय जन्म काःवन धका धर्याविज्यात । थ्व स न्यना तसकं दुखित जूमह देवराज इन्द्रं थुकिया समाधानया लपु न्यवले भगवान वुद्धं “दुर्गति परिशोधन धारणी” व्वनधाःसा नरक मुक्त जुइ धका कनाविज्यात । भगवान वुद्धं कनाविज्यागु अनुसार देवराज इन्द्र दुर्गति-परिशोधन धारणी व्वन, गुकिया प्रभावं विमलमणिप्रभा दुर्गति मुक्त जूल ।

थ्व प्रसङ्ग छु सिइ दु धाःसा दुर्गति परिशोधन धारणी दक्खिमवे न्हापां भगवान वुद्धं देवराज इन्द्रयात विमलमणि प्रभाया कारणय कनाविज्यागु खः ।

मूल श्रोत कथं दुर्गति परिशोधन धारणी थुकथं दु ।

ओं नम सर्व्वदुर्गति परिशोधनराजाय तथागतायार्हते सम्यक् संबुद्धाय ॥ तद्यथा ॥ ओं शोधने शोधने सर्व्वपापविशोधने शुद्धे विशुद्धे (दिवंगत अमुक नाम ध्येयस्य) सर्व्वकर्मावरणविशुद्धे स्वाहा ॥

दुर्गति परिशोधन धारणीया मूलश्रोत दुर्गति परिशोधन तन्त्र खः । थौकन्हे प्रचलनय वयाच्चगु धारणी मूल श्रोतय दुगु सिक पाःगुलि दुर्गति परिशोधन तन्त्रया आधार उकिइ उल्लेखित धारणीयात थन प्रस्तुत यानागु जूल । थुकेया निति प्रमाण स्वरूप ने स ७५७ सालय च्वयानगु यलय छयला वयाच्चगु दुर्गति परिशोधन तन्त्र व ने स ९९३ यागु येय छयला

वयाच्चगु दुर्गति परिशोधन तन्त्रयात कयागु जुल । थ्व वाहेक इस्वी सम्बत १९८३ साल रसियन भाजु स्कोरुप्स्की धाःम्ह व्यक्ति तिव्वति व मेमेगु भाषाया ग्रन्थत स्वया अंग्रेजी सम्पादन यानातःगु दुर्गति परिशोधन तन्त्र नांगु ग्रन्थया न लिधंसा कयागु जुल । थुपिं दक्व सफुतिइ न थ्व हे छगू कथंयागु दुर्गति धारणी जूगुलिं थुकियात थन न्हयव्वयागु जुल । थ्व धारणीया आधारय स्वयेवले थौकन्हे छयला वयाच्चगु धारणी मूल दुर्गति धारणीया परिवर्तित रुप खः । उकि सकसिनं मूल श्रोतय आधारित धारणीयान अनुकरण यायेमाःगु खनेदु ।

३.९ प्रेतमूर्ति दयेकेगु

भीगु बौद्ध परम्परा कथं सीम्ह व्यक्तियात पूर्णरूप उड्युका भाम जूगु नौ लखं स्यानाः व नौ दक्व छथाय तुं मुंका मनू ज्याना प्रेतमूर्ति दयेकी थ्व प्रेतमूर्ति दयेकिइवले हथंया मिखा, कौया म्हुतु कपा क्वें, न्हाहा क्वें, तुनि क्वें यथा स्थाने तइ । थथे प्रेतमूर्ति दयेकूगु न विशेष कारण दु ।

बुद्धधर्म कथं मृत्यु जूम्ह व्यक्ति वयागु कर्म व सम्कारया लिधंसाय पुनर्जन्म काइ । पुनर्जन्म काइगु स्थान खुगू दु । व थुकथ खः- दैवलोक, दैत्यलोक, मनुष्यलोक, नरकलोक, प्रेतलोक तिर्यकलोक । थ्व खुगू लोकयात षड्गति न धाइ । थुपिं थी थी लोकय जन्म काःवनेगु न्हापाया जन्मय यानावःगु कर्मय निर्भर जुइ । महायानी बुद्धधर्म कथ छगू जन्म मेगु जन्म कायेत कम्ति न्हयन्हु लगे जुइ । यदि व व्यक्ति यानावःगु अकुशल कर्म आपा जुल धाःसा थ्वसिकं न अप्व लत्या, खुला, दच्छि व निदं तक्क न विइफु । थथे छगू जन्म मेगु जन्म काःवनेगु तक्कया इयात अन्तराभव धका धाइ । यदि तसकं हे अकुशल कर्म यानावःम्ह जुल धाःसा मृत्यु उपगन्त

मेगु जन्म काःमवंसे अथवा छु नं जन्म काःवने मफया अगतिइ लानाच्चनी धका धाड ।

मृत्यु उपरान्त षड्गति मध्यय छगूलिइ जन्म काःवन धाःसा मृत्यु जूम्हसित उलि तःधंगु दुःख जुइमखु, गुलि अगतिइ लाना च्वनीवले दुःख जुइ । नरकय जन्म काःवनेगु सिकं अगतिइ लाइगु तसक मभि । थुके छु मिड दु धाःसा दक्खसिवे तःधंगु दुःख व मभिगु धैगु अगतिइ लानाच्चनीगु खः । अगतिइ लानाच्चम्हसिनं थम्हं जक दुःख भोगे मयासे मेपि प्राणीपिन्त न दुःख वियाच्चनी । थथे अगतिइ लानाच्चम्हसित मुक्त यायेगु प्राकिया भीगु बौद्ध परम्पराय दुगु जुयाच्चन ।

मृत्यु उपरान्त भष्मया प्रेतमूर्ति दयेकेगु अगतिइ लानाच्चम्ह प्राणीया रुप खः । मेकथं धायेगु खःसां प्रेतमूर्तिया रुपय हथ मिखा , कौया म्हुनु कपा क्वें, ल्हाहा क्वें, तुति क्वें आदि तयाः मूर्ति दयेकेगु अगतिइ च्वम्ह प्राणीया प्रतीक खः । थथे मूर्ति दयेकेधुंका वयात तीर्थया लख चुइका छवइ । ताकि न्ह्याक्व हे पाप याना वःम्ह मनू जूसां अगतिइ मलायेमाः । अगतिइ लानाः थःयात नं दुःख मजुइमा मेपिन्त नं दुःख मविइमा धैगु बोधिचित्त भावना थथे याना वयाच्चंगु जुल ।

भीगु परम्परा कथं प्रेतमूर्ति दयेका पूजा यायेवले कुशालप्ते पुजाभः तयाः मिं तःम्हसिनं पूजा याइ । प्रेतमूर्ति पूजा याइवले च्वनीगु वाक्य थुकथ दु ।

ओं सर्ववित् वज्रगन्धे स्वघा ।

ओं सर्ववित् वज्रपुष्पे स्वघा ।

ओं सर्ववित् वज्रधूपे स्वधा ।

ओं सर्ववित् वज्रदीपे स्वधा ।

ओं सर्ववित् वज्रनैवद्ये स्वधा ।

३.१० मृतक शरीरयात चतुर्महाभूतय् विलीन यायेगु

बौद्ध दर्शन कथं भीगु शरीर चतुर्महाभूतं वनेजुयाच्चंगु दु ।
चतुर्महाभूत धैगु लः, मिं, फय् व चा खः । चतुर्महाभूतं वनेजूगु शरीरयात
चतुर्महाभूतय् न तु विलिन यांना छवयेगु पद्धतिया रूपय् अन्तिम अग्नि
संस्कार क्रियायात कायेफु ।

अग्नि संस्कार क्रिया याइवले दक्खसिन्हे न्हापां मिं तइ, शरीर दक्ख मि
च्याका भष्म याइ थथे मिं तयेगु धैगु तेज धातुइ लिन यायेगु पद्धति खः,
थनं लिपा भष्म तयाः चैत्य दयेका पूजा याइ थुक्रियात पृथ्वीधातु नाप
समिश्रण याःगुया रूपय् कायेफु अथेहे भष्मया प्रेतमूर्ति दयेका लिपा लख
छवचायेका छवइ थ्व याःगु जल धातुइ विलीन याःगु पद्धति कथं कायेफुमा
अस्थि तया पुयेगु यात वायुधातु नाप विलीन याःगु पद्धतिया रूपय् कायेफु ।

३.११ अस्थिधातु तयाः फिया चैत्य दयेके

अस्थिधातु तयाः चैत्य दयेकेगु परम्परा भगवान् बुद्धया जीवनकालानसं
वःगु परम्परा खः । स्तूप दयेके योग्यपि प्यंता प्रकार्या व्यक्तिपि दु धक्का
परिनिर्वाण जुइ न्हय आनन्दयात धयाविज्याःगु खः । व थुकथ दु ।

क) तथागत सम्यक्सम्बुद्ध

ख) प्रत्येक बुद्ध

ग) अरहन्त व्यक्ति

घ) चक्रवर्ती राजा

बुद्ध परिनिर्वाण लिपा बुद्धया वचन कथं बुद्धया दाहमस्कार मिथयेंका
थी थी देश, नगर, ग्रामया जुजुपिं राजकुमारपिं वयाः अस्थिधानु काःवन ।
बौद्धग्रन्थ दीघनिकाय सफूतिइ उल्लेख जुयाच्चंगु कथं अस्थिधानु काःत्रापि
थुकथं दु ।

१. मगधराजा वैदेहीपुत्र अजातशत्रु
२. वैशाली देशया लिच्छवी
३. कपिलवस्तुया शाक्यजुजुपिं
४. अल्लकप्प देशया वुलि राजकुमारपिं
५. रामग्रामया कोलिय जुजुपिं
६. वेठदीपया ब्राम्हणपिं
७. पावाया मल्ल जुजुपिं

उगु इलय् कुशीनगरया मल्लपिन्सं “भगवान् बुद्ध जिमिगु गामय्
परिनिर्वाण जुया विज्यात उकिं मेपिं सुयातं नं अस्थिधातु विइमखु” धका
धाःगुलिं अन ल्वापु तकं जुइत्यन । थुगु इलय् द्रोण ना जुयाच्चम्म छम्म
ब्राम्हणं दक्खसित थुकथं धाल “वसपोल बुद्ध क्षान्तिवादीम्म खः उत्तम
पुरुषया अस्थि विभाजनं यायेगु कारणय् ल्वापु यायेगु उचित मजू उकी
भीपिं सकलें मिलेजुया बुद्धया शरीरधातुयात च्यागू भाग यायेनु”

अन उपस्थित सकसिनं स्वीकार याःगु लि द्रोण ब्राम्हण थम्म हे
कुलिं दानाः बुद्धया अस्थिधातुयात च्यागू भागय् विभाजन यात । सकसिन

अस्थिधातु यंका स्तूप दयेकल । द्रोण ब्राम्हण अस्थिधातु दाःगु कुलि यंका
स्तूप दयेकलसा पिप्पलीवनया मौर्यपि लिवाक्क वःगुलिं अन ल्यंदुगु खरानी
व ह्यंगवाः यंका स्तूप दयेकल । थुकथं भगवान बुद्धया अस्थि तया च्यागः
व कुलि, ह्यंगवा तयाः निगः याना जम्मां भीगः स्तुप दयेकूगु जुल ।

बुद्ध परिनिर्वाण जुइधुंका निसत्या दं लिपा सम्राट अशोकं स्वक्वगु
संगायन यात । सम्राट अशोकं स्वक्वगु संगायन लिपा बुद्धधर्म थी थी
देशय् प्रचार याःवनेगु भूवलय बुद्धया अस्थिधातु तयातःगु च्यागः स्तुप
मध्ये न्हयगः स्तुप स्यंका उकिइच्चंगु अस्थिधातु लिक्कया हाकनं मेगु ८४०००
स्तूपत दयेकल । थथे अस्थिधातु दयेकेत स्तूप स्यंकूवले रामग्रामय् च्वंगु
स्तूप छगः जक स्यंके मफुगु जुयाच्चन । छायाधाःसा व स्तूप नागतयेस
रक्षा यानातःगु जुयाच्चन ।

बुद्धधर्मय् भगवान बुद्धया जीवनीलिसे स्वापु दुगु थुज्यगु घटनाया
लिधंसाय् चैत्यया महत्वयात मनन यासे नेपाःया बौद्ध समाजय् न मृत्यु
लिपा फिया चैत्य दयेकेगु परम्परा वःगु जुइफु । भीगु परम्परा कथ फिया
चैत्य दयेकिइवले उकिइ अस्थिया प्रमाण स्वरूप खरानी भःचा तइ । थथे खरानी
तःगु मृत शरीरया चित्तयात तथागतत्वय् लीन यायेगु भावनां यानातःगु
खयेमाः । अथेहे चैत्य छचाखेरं नाग दयेकी । रामग्रामया स्तुपयात नागतयेस
रक्षा यानातःगुलिं भीसं दयेकेगु चैत्य नं नागं रक्षा यायेमा धैगु उद्देश्यं नाग
दयेकीगु जुइमाः ।

अस्थिधातु तया फिया चैत्य दयेकेधुंका तिं कथि म्यपु चिना नुय्
छत्रं चैत्यय् कुइका पूजा याइ ।

यथे पूजा यायेवले थुकथ वाक्य व्वनी ।

ओं वज्रगन्धे स्वाहा ।

ओं वज्रपुष्पे स्वाहा ।

ओं वज्रधूपे स्वाहा ।

ओं वज्रदीपे स्वाहा ।

ओं वज्रनैवद्य स्वाहा ।

अग्नि संस्कार क्रिया यायेगु भुवलय थुलि ज्या मिधयेका न्हयपुंड
तया पुंड हायका सादुरुं लुनाः थल भोपुइका छें लिहांवइ ।

दीपय यायेमाःगु दक्कं ज्या क्वचायेका मनाःवापि छेंजःपि दक्क छेंय
लिहांवइ । छेंय दुहां दुहांवये न्हयः सकसितं शुद्ध यानाः दुकायेगु भावना
वलिं पियाः दुकाइ ।

४. निष्कर्ष

संसारय जन्म जुइपि गुलि न प्राणीपि दु इमिगु छन्हु अवश्य न मृत्यु जुइ थ्व संसारयागु प्राकृतिक नियम खः । थ्व नियम सु प्राणीपि अलग जुइफैमखु । गुलि याकन मृत्यु जूसा गुलि भचा लिपा मृत्यु जुइ । मनू सभ्य प्राणी जूगुलि इमिसं थःगु जीवनय म्वाना च्वंवेले जकमखु सिद्धुका तक्क न थीथी कथंया संस्कार यायेगु दयेकाथकूगु खनेदु । थ्वहे संस्कारया विकास जुजु वनेगु भवलय संसारय च्वपि थी थी कथंया मनूतयसं थःथःगु हे वातावरण व परिवेश कथं सीद्धुका यायेगु संस्कारया विकास यात । थ्वहे भवलय नेपालमण्डल दुने च्वपि बौद्धजनपिन्म न थःगु हे पहयागु सिद्धुका यायेगु अग्नि संस्कार क्रियाया विकासयान गुगु संस्कार बुद्धधर्मया लिधंसाय निर्माण जुयाच्चंगु खनेदु । थ्व संस्कारयात व्यवस्थित रुपं न्हयाका यंकेयानिति सनागुठी वा सीगुठी समेत दयेका तयातःगु खनेदु ।

सुनं प्राणीया मृत्यु जुइधुंका वं छु जन्म काइ धैगु व व्यक्ति यानावःगु कुशल वा अकुशल कर्मय निर्भर जुइ । न्हयागु हे कथंया कुशल वा अकुशल कर्म याना वःम्ह व्यक्ति जूसां वयात निर्वाण पद लायेमा धैगु कामनार्थ जव छक खव छक चाहुला लः त्वंकेगु दुर्गतिइ गुवले मलायेमा धैगु उद्देश्य दुर्गति परिशोधन धारणी व्वनेगु परम्परा नेवाः बौद्ध समाजय जुयावयाच्चंगु खनेदु । बौद्ध समाजय याइगु थपि क्रियात अप्व धैथे बुद्धया जीवनीइ जूगु घटनाया लिधंसाय याना वयाच्चंगु खनेदु । थुके छखे बुद्धया जीवनय जूगु घटनायान थःगु जीवनय न साक्षात्कार यायेगु कुतः याःगु खने दुसा मेखे बुद्धया कालनिसे यानावःगु बौद्ध परम्परायात निरन्तरता विइगु कुतःयाःगु खनेदु । गुक्रिया आधारय नेवाः बौद्ध समाजय यानावयाच्चंगु अन्तिम अग्नि संस्कार क्रिया बुद्धकालनिसे वःगु थ्व छगू जीवन्त बौद्ध संस्कार खः धका अनुमान यायंफु ।

५. सन्दर्भ ग्रन्थ

जोशी , लालमणि(सं) - वज्रच्छेदिकाप्रज्ञापारमिता, सायनाथ . केन्द्रीय उच्च
तिय्यती शिक्षा संस्थान, ड म. १९७८ ।

वज्राचार्य, दुण्ड वहादुर (अ.)- दीघनिकाय, यल: वीरपूर्ण पुस्तक संग्रहालय, त्रि म
२०५६ ।

दुर्गतिपरिशोधन तन्त्र (अ.प्र.) ने.सं. ७५७ ।

दुर्गति परिशोधन तन्त्र (अ.प्र.) ने.सं. ९९३ ।

Skorupski,Tadeusz –The Sarvadurgati parisodhana
Tantra, Delhi. Motilal Banarasidass. 1983 .

६. परिशिष्ट

सो न गयथा कर्मलसावमीयम् । आनादुदयमक्षी प्रकाशं लव
 न्मुसलुली । कस्यायत्रि ॥ कुम्भनमूनमलामनयस्वाहा ॥ कुम्भ
 मः सर्वद्वज्जीहेयत्रिभोधनत्राज्याय गथागेगायार्कं सैम्यकुम्भ ॥ ११
 द्वाय । गद्यथा कुम्भोधनं सर्वयाय त्रिभोधनं शुद्धं त्रिभुद्धसर्व
 कर्मोवत्रलविशुद्धस्वाहा ॥ नर्कनमकुलद्वर्जगियत्रिभोधनम

॥ सप्तमं गङ्गाधनमसप्तमं यगिर

दुर्गति धारणी दुर्गु नेपाल सम्बत् ७५७ स च्वयातः गु दुर्गति परिशोधनतन्त्रया छपाः पौ

यकनूत्तनाकृतानुष्ठानविशेषसुभागकर्मवर्गीययादोभाक्कसिंहायगच्छया॥सूयिगुच्छहानायसम्पत्कैवृद्धभीमगायतुर्वृद्धयुर्नानात्यादशास्त्रेव
 द्यूज्या॥विदिनवदिमार्गेवकमसुखेयसिद्धया॥वर्षसावयमानावेसर्वदन्त्रिभाधनी॥॥मनुदमाजग्रीनामसमाधि॥॥उत्पन्नसहामुनयसाहा॥
 उन्नमशसर्वदन्त्रिभाधनी॥॥मनुदमाजग्रीनामसमाधि॥॥उत्पन्नसहामुनयसाहा॥
 मनुवर्गीभाक्कसिंहायगच्छया॥सूयिगुच्छहानायसम्पत्कैवृद्धभीमगायतुर्वृद्धयुर्नानात्यादशास्त्रेव
 मनुवर्गीभाक्कसिंहायगच्छया॥सूयिगुच्छहानायसम्पत्कैवृद्धभीमगायतुर्वृद्धयुर्नानात्यादशास्त्रेव
 मनुवर्गीभाक्कसिंहायगच्छया॥सूयिगुच्छहानायसम्पत्कैवृद्धभीमगायतुर्वृद्धयुर्नानात्यादशास्त्रेव

॥ (२) यामु॥ सखन २१३ नखवेभयकसुदादनीजुंगदानरदुबायागुसिद्धयसाहना॥ तिलिनयंयसावायेगीरखन

दुर्गति धारणी दुर्गु नेपाल सम्बत् ६१३ स च्वयातःगु दुर्गति परिशोधनतन्त्रया छपाः पी



इन्द्ररत्न वज्राचार्य
जन्म वि.सं. १९६५ आषाढ
दीवंगत वि.सं. २०४३ चैत्र शुक्ल तृतीया



नानीमाया वज्राचार्य
जन्म वि.सं. १९६८
दीवंगत वि.सं. २०३७ श्रावण कृष्ण तृतीया

